

<https://news.usm.my>

Berita Mutakhir

## 20 AUG

# HAAK USM BANTU SITI SALWANI JUSOH

PULAU PINANG, 20 Ogos 2016 - Sikap prihatin membantu mereka yang memerlukan bantuan diteruskan oleh para pelajar Universiti Sains Malaysia (USM) melalui Himpunan Anak-Anak Kelantan (HAAK) dengan inisiatif membantu bakal pelajar USM sidang akademik 2016/2017, Siti Salwani Jusoh, 20.

Penasihat HAAK USM, Zulkifli Che Hussin berkata, ini adalah tanggungjawab sosial persatuan anak negeri yang berdaftar dan sebagai duta USM untuk membantu pelajar dari Kelantan.

"HAAK sentiasa menjaga kebajikan dengan membantu mereka bagi menyahut saranan USM untuk membantu golongan terkebahawah atau the bottom billion," jelasnya.





HAAK memberi sumbangan barang keperluan dapur semasa lawatan ke rumah keluarga untuk pendaftaran Siti Salwani ke USM oleh saudara terdekatnya di Sungai Nibong Pulau Pinang yang akan menginap di Desasiswa Aman Damai di samping menerima bantuan dari pertubuhan sukarela dan individu-individu tertentu.

Seramai 7 orang ahli HAAK USM terlibat dalam pemberian sumbangan dan bantuan ini di rumah penerima di Bunut Kasar Pasir Mas Kelantan.

Siti Salwani merupakan anak kelima daripada sembilan orang adik-beradik dan ayahnya merupakan seorang peniaga sayur yang berpendapatan sekitar RM700 sebulan yang digunakan untuk perbelanjaan empat orang adiknya yang masih bersekolah.

Teks: Hafiz Meah Ghouse Meah

Foto: Zulkifli Che Hussin



Share This

**Pusat Media dan Perhubungan Awam / Media and Public Relations Centre**

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : [pro@usm.my \(mailto:pro@usm.my\)](mailto:pro@usm.my)

Laman Web Rasmi / Official Website : [Universiti Sains Malaysia \(http://www.usm.my\)](http://www.usm.my)

[Client Feedback / Comments \(http://web.usm.my/smbp/maklumbalas.asp\)](http://web.usm.my/smbp/maklumbalas.asp) | USM News Portal. Hakcipta Terpelihara USM 2015